

पुलांगु
म्ये
पुचः

मुँम्ह व पिकाम्हः—

पुप्प सुन्दर श्रेष्ठ
चौघडा
(नेपाः)

卐

ने. सं.]

१०६५

[मृ.



धलः पौ

मे	पौ	मे	पौ
गनपतिदेव	१	गुलित फसात	१३
नेपाल भाषा	२	गोपाल धनी	१४
श्री करुणामय	३	सुन्दर विभुति बुसा	१५
वयरिम्ह फुतकाव	४	प्राचन अल्सी	१६
रक्षायाइम्ह	५	छि भाई परदेश	१७
गुरुजु जयनमो	६	कोथा जोलं सकतादत	१८
हाय हाय प्रभु	७	च्यान्हु च्यान्हु सवायाना	१९
हे नारायण जु	१२	हे मनराजा	२२
याकचा वने मतेराधा	१३	श्री लोकनाथ	२४
		दो मन यायो मते सखी	२९

गनपतिदेव

गनपति देव भजलपे स्वव स्वव सदान ॥ धु० ॥

ऐरावत किसि खुवाल च्यापु उन सुन्दर,

वामन थें बागल मिखा जा स्वगल ॥ १ ॥

थास थास नाग तिसा बाघंवर डसा,

पा ल्हान मघि जोसा गसा भतिया नसा ॥ २ ॥

गणया नायक धाल पूजा न्हापो काल,

विघन विपत्ति दूर गिल सिद्धि फल ॥ ३ ॥

पंच दुवाल जुल नेपाल संवतसर,

कर जोरी बारं बार विश्वहर्षन ल्हाल ॥ ४ ॥

रागभजन—

नेपाल भाषा

प्रेम त्वःता मातृ भाषा या नेम गनन बोझु ॥ ध्रु० ॥
 देश भाषा त्वःलताओ मेव भाषा कावन,
 सुःख त्वःता दुःख मालिख मूर्ख सरिज्वन ॥ १ ॥
 उन्नती शील, जनपीं गुलि दुःख सन्सारसं,
 कुक सीनं थवगु भाषा प्रेमयाना तल देशसं ॥ २ ॥
 भाषा थवगु उच्च जूसा दुःख गवले वडमखु,
 भाषा थवगु मान्त घासा सुःख गवले छुमखु ॥ ३ ॥
 नेपाल भाषा जीर्ण जूगु अलसि मचासे भिकेन,
 भारतीय शास्त्र भवनं मान थदैत बीकेन ॥ ४ ॥

स्वम्ह—स्व० योग बीरसिंह,

श्री करुणामय लोकनाथ

श्री करुणामय लोकनाथ उधार याहुने ॥ ध्रु० ॥
 गोरखनाथ भिक्षा फोन वल लोन भिक्षा फोने मबिल ॥
 नवनाग लोकपुर्ये आसन यानाव,
 द्वादस वर्ष वा मगाक न्हौं ॥ १ ॥
 नरेन्द्रदेव व वंघुदत्त आचार्यन,
 कर्कोतक सहित वन न्हौं ॥
 मंगल श्री देशस जपतप साधन,
 कमल किसानिन काबल न्हौं ॥ २ ॥

राजसके फोनाव लोकनाथ हयाव,
 छेपालस थेनकल हल न्हौं ॥
 गोरख नाथन मछिन्दर खनाव,
 आनन्दन दरशन यात न्हौं ॥ ३ ॥

युलि स्वयाव नागराजा वनाव,
 मुसल धारा प्रमानन वागात न्हौं ॥
 मन्हि वा गातकाव आहार बियाव,
 आनन्दन लोक रक्षा यात न्हौं ॥ ४ ॥

पुसा वा होलाव प्ररकाल स्वयाव
 सिन्हाज्या म्हाति म्हाति यात न्हौं ॥
 सिन्हाज्या धुनकाव भावन मासस,
 पिन्द्रपात्र अन्न दान बिल न्हौं ॥ ५ ॥

चैशाक मासया परूवा दिनस
 रथस दनाव बिज्याक न्हौं ॥
 विरंचि नारायन अतिन हरषन
 लोक उधार यात न्हौं ॥ ६ ॥

दानया प्रभावन अति पुन्य लानाव
 भावन सम्पति जुल न्हौं ॥
 चैशाक मासस लोकन मालपाव
 थव थव देगु पुजा यात न्हौं ॥ ७ ॥

वल्लया कृपान लगन जात्रास
 आसिखा वियाव विज्याक न्हॉ ॥
 सम्वत भिङ्गेगुलि दुर्गा सहितन
 तछलाया एकादसि दिन न्हॉ ॥ ८ ॥
 खव मखु श्वव थव पुरुषसेन
 खनेमदु सुया नुगलस न्हॉ ॥
 न्हाकल श्रीरणचहादुर महाविर वस,
 लोकनाथ्या महिमा ख न्यन न्हॉ ॥

—रागसिन्हाज्या,

वयरिम्ह फुतकाव

वयरिम्ह फुतकाव भीमसेन रसन विज्याक ॥ ध्रु० ॥
 वल च्वन वम्ह दिक, पूजा कय लिमलाक,
 जुंगुलि धूपाय कुँन दक्क खु नस्वाक ॥ १ ॥
 अनेक बाजन थाका न्यना च्वने व मछुक,
 वान्छयाव कटटट रणस दुव्वाक ॥ २ ॥
 हेगुलि मिखा कसे, तमन पुलिं च्वासे,
 आतापति पिकयाव दुशासन स्याक ॥ ३ ॥
 व ति मदु बललाक हि तोनाव अति गाक,
 न्वाकथास फचिन मि च्याक ॥ ४ ॥
 धुँ किसि कलँ कासे, सिंहम याकुं प्यासे,
 लल चता वासे सन अन सु मग्याक ॥ ५ ॥

मोक्ष जि स्वम्ह न लाफ कयाध्य त्रिनय याक,
छिपालि निपाया कोस विव जित बास ॥ ६ ॥

—रागाविजय

रक्षायाइह्य

रक्षा याइम्ह श्री गुह्य काली
सेवक याय मते कँकाली
कँकालीन कचमच यात सा
हाकनं हाले मालि ॥ १ ॥

भूतया सँ जा कुलि कुलि
आपा आपा नयफू गुलि गुलि
तिजक तिन्हुया प्यारवन हुइम्ह
कवँ चा कँकाली ॥ २ ॥

जोगिनि वताल गुलि गुलि,
नागया तिसा उलि उलि
दुष्ट बुद्धि दैत्ययात,
खडगन प्यंदंक पालि ॥ ३ ॥

संग्राम स्यात गुलि गुलि,
बाकि दक्ख बिसे वन सुलिसुलि
खड्ग जोना दिगिदिगि रवाना
दैत्य स्याइम्ह काली ॥ ४ ॥

काली कृपा तय मालि
 मतलसा चंदीदास हालि
 कर जोरि विनति शरण जि वया
 छिगु तुति पाली ॥ ५ ॥

—राग भजन

गुरुजु जय नमो

गुरुजु जय नमो श्री बुद्ध भगवान
 लुम्बिनी वनस विज्याक ॥ ध्रु० ॥

ब्रह्मान वैपुयका सरस्वतीन वसा लायका,

बल्लंकापुरया जुजु कुवेरन धन द्रव्य लायका विज्याक ॥ १ ॥

वायुदेवन ध्वजा बोयका, अग्निदेवन धूप धनका,

वरुण नाम नागराजान जलधारा हायका विज्याक ॥ २ ॥

महादेवन डमरु धायका, नारायणन शंख पुयका,

जन्म राजन दण्ड जोनकाव लंछिनकाव विज्याक ॥ ३ ॥

इन्द्रन छत्रन कुयका, भिक्षु गणन चामोल गायका,

आकाशन स्वानवा गातकाव आनन्द रसन विज्याक ॥ ४ ॥

वैश्वत्य ज्ञानकर दक्क लोक सहितन,

क्षेम नागया वस विज्यानाव पूजा फयाव विज्याक ॥ ५ ॥

वन गज रत्न साल श्री सुरेन्द्र महाराज,

म्हाकम्ह अनाथ जन, गुरुयाके शरण ॥ ६ ॥

—राग कल्याण

हाय हाय प्रभु

हाय हाय प्रभु स्वामि छि गन भाया,
 छन्त धन्दा छाय मिसा ज्यास याना चोना ।
 छि व जि व चोना प्रभु सन्हा साहुति महु,
 गन भाया चोना प्रभु गन वना दिया ।
 सिलु तीर्थ मोल न्हुय अति पुण्य लाइ,
 सिलु तीर्थ वने यात पासा माल वना ।
 पासा माले मते प्रभु छिव जि व वने,
 निहतेपू सिलु वने अति पुण्य लाइ ।
 छ व जि व वने यात जोसी केने मानि,
 जोतिस केना स्वया, जिन बाय मालि धाल ।
 जोतिस केने प्रभु छि व जिव वने,
 छिव जिव मोल न्हुय अति पुण्य लाइ ।
 हथ्या बिय मते मिसा छव जि व बाई,
 बुझे यान बुझे मजू अवश्यन बाई ।
 थव छैन दना वना धमा थुली बास,
 धमाथुली थयंका स्वया तिरि लिसे बल ।
 वय धाय मते मिसा छैस लिहाँ हुनि,
 हथ्या बिये मते मिसा छव जिव बाई ।
 नाप वने नाप च्वने मथे बाय मालि,

घमा थुलि दना वना न्याग मानि वास ।
न्यागमानि थ्यंका स्वया तिरि लिसे वल,

वय घाय मते भिसा छ व जि व बाई ।
नाप वने नाप च्वने गथे बाय मालि,

न्यागमानि दना वना जैफल् पौवा वास ।
जैफल्पौवा थ्यंका स्वया तिरि लिसे वल ॥ वय० ॥

जैफल्पौवा दना वना रानी पौवा वास,
रानी पौवा थ्यंका स्वया तिरि लिसे वल ॥ वय० ॥

रानी पौवा दना वना चतुराली पौवा वास,
चतुराली पौवा थ्यंका स्वया तिरि लिसे वल ॥ वय० ॥

चतुराली पौवा दना वना नक्वाब्यासि वास,
नक्वाब्यासी थ्यंका स्वया तिरि लिसे वल ॥ वय० ॥

नक्वाब्यासि दना वना धैवुतने वास,
धैवुतने थ्यंका स्वया तिरि लिसे वल ॥ वय० ॥

धैवुतनं दना वना भिमल पाक्व वास,
भिमल पाक्व थ्यंका स्वया तिरि लिसे वल ॥ वय० ॥

भिमल पाक्वं दना वना धुंच्याब्यासी वास,
धुंच्याब्यासी थ्यंगु बेले प्रभु कोछुनादिल ॥

घन्दा काय मते प्रभु खर्ता काय मते,
नाप वने नाप च्वने गथे बाय मालि ॥

धुच्याव्यासि दना वना लकडि बिना बास,
बुक्के याना बुक्के मजू मिसा अवश्य बाय मालि ॥

लकडि बिनान दना वना सिलु तीर्थ ध्यन,
सिलु तीर्थ मोन्हुया बेले जुजुं गंके हल ॥

गनां गने मज्यू मिसा हथि जुया फुत,
दुलि चोने मनं मिसा सुपालस चोन ।

सुपालस दना स्वया प्रभु खोया हल,
छिमि प्रभु खोगु मखु खिचा खोया हगु ।

खिचा खोगु मखु राजा जिमि स्वामि खोल,
खोय मते प्रभु स्वामी जिति ग्यम्हलाइ ।

जुजुं बिल तारिस्वान प्रभुयात छुके,
खोये मते प्रभु स्वामी जिति ग्यंहा लाइ ।

छति ग्यंम्ह लाके यात तप याय मानि,
हिमालस तप यासां छति ग्यंहा महु ।

सुपालसं चोना वना अनेगु स्वानया वन,
प्रभु स्वामी तोलताव राजालिसे वन ।

निम्हतेपू सिलु वना याकचा जि जुल,
गना गने मफु मिसा हथि जुया फुत ।

सिलु तीर्थ लिहाँ वया भिमल पाक्व थेन,
भिमलपाक्व ध्यंगु बेले तिरि लुमंसे वल ।

मिमलपाक्वं दना वया नक्वाव्यासि बास,
गन वना नापलाय तिरि लुमंसे वल ॥ गनां० ॥

नक्वाव्यासि दना वया रानी पौवा थेन,
रानीपौवां दना वया न्यागः मानि थेन ।

न्यागः मानि दना वया पशुपति थेन,
नील कण्ठ महादेव दरसन याय ॥ गनां० ॥

पशुपति लिहां वया थव छेँस थेन,
थः गु छेँस थ्यंगु बेले माम बुवां न्वात ।

दाजु किजा सकसिनं हिला जित यात,
थः गु छेँस चोने छाथ जोगिजुया वने ॥ गनां० ॥

जोगियागु भेस कासे हिला माला स्वय,
राज्ये हिलामाला सोयां छति ग्यह मद्दु ।

किनिदँत तप व्रत जिन यांना चोने,
किनिदँत तप यासाँ थवति ग्यह दै मखु ॥ गना० ॥

धन्दा काय मते रानी सुर्ता काय मते,
धुलि मछि कुमारी केती चाकर नोकर विय ।

हीरा मोति जुहार पन्ना तिसा वस विय,
जुरे रानी छ व जि व त्रिपासा छकोभिहे ।

थ्वखँ ग्हाय मते राजा जिगु बिनित न्यव,
चतुर्मास अब्बं चोना व्रत सिधय के मानि ।

चतुर्मास अबसंवात छंत छु छु माल,

ब्यल साख चाकु दुरु सकतान माल ।

प्रजागण सकलयात भोजन याके माल,
स्वराजया जोगी दक्क सामेल यायमाल ।

जोगी प्रजा दक्को थेन जि प्रभु छम्ह मझानि,
स्नान यानाबेले जिमि प्रभु ध्यंक झाल ।

घन्दा काय मते प्रभु सुर्ता कायेमते,
मातानीया भेस कया छले याना वय ।

हायहाय कुमारी केती चरबिस पिया चान वने,
चरबिस झाय मते रानी झारी कोपरा दिके ।

थयि जागु कोठास गथे पिया चोने,
चरबिस वने धका कोठा पिहाँ वल ।

एकान्तन छखे वना वस्त्र दक्क तोल,
विभूतिन म्हस बुसे गेरु वस्त्र पुन ।

मातानीया भेस कासे छले याना वन,
जि वय धुन प्रभु स्वामी घन्दा काय मते ।

निह नाप वने मज्यू छि नि न्हापा झारै,
बिचं हिला छित जिन नाप लाक वय ।

धन्य भाग्य जिगु कर्म स्वामी नाप लात,
यन चोने मखु प्रभु यव छेस वने ।

—राग सिन्हाब्बा

हे नारायणजु

हे नारायणजु, गुँपासिस रसन बिज्याक ॥ धु० ॥
 न्हिन्हिछिया स्वता उन, अतिन सुन्दर ख्वाल,
 जवन चकर जोसे, रववन शंस पुसे ॥ १ ॥
 शिलस नागया मणि, न्हसस नागया पाश,
 गलस कोखासे तया, तुलसीया माल प्रभुजु ॥ २ ॥
 न्हाकम्हया विनतिस, दया तय माल प्रभुजु,
 दना वया दरशन, विव जित नारायणजु ॥ ३ ॥
 नेपालया छत्रपति, श्री जय भास्कर मन्ल,
 चउखण्ड राज्यलाय, फयकाव्यु नारायणजु ॥ ४ ॥

—राग धनाश्री

याकचा वनमत्ये राधा

याकचा वनमत्ये राधा जमुना सिथे ।
 जमुना सिथे राधा जमुना सिथे ॥
 मात्ते जूम्ह हाकुचाँ, कयूका हययो वाकुचाँ ।
 चाः ठम्प यनेमत्ये राधा जमुना सिथे ॥ १ ॥
 लँय वोपिं मुसुमुसु न्हीका, ख्याः या वैगु म्हे म्हे श्रीक ।
 वैत मचा खनेमते राधा जमुना सिथे ॥ २ ॥
 स्वय मचा ख्वालँ पुया, खँ गुलि स्याचू वया ।
 लिसः चिया च्वन्येमत्ये राधा जमुना सिथे ॥ ३ ॥

—भजन

गुलित फसात

गुलित फसात विय तेना कृष्ण
 दरशन विव जित करुणा तयाव ॥ धु
 चैत्रस अजूस्वां होया चोन बनस
 वैशाख चुवास्वान, गुलाफ वचुस्वां,
 जासे बल सिमाया वसन्तया यौवन
 गथे सहयाय प्रभुछि विनान रे ॥ १ ॥
 ज्येष्ठस चमेली, चस्वान, जिलस्वां
 आषाढ सिन्हाज्या होयाच्वन चंपास्वां,
 ग्रीष्मया टापन सहलपे मफया
 याना विव प्रभु छिन शीतल ननान रे ॥ २ ॥
 श्रावन मास सुकुन्दर राज,
 भाद्रव पलेस्वान, उफोल, चवोस्वां
 वर्षाया ऋतुस न्हावस समुद्र
 भिलास खवि हाल छिगु विरहन रे ॥ ३ ॥
 आश्वीन तुलसी, लवंगिफो स्वान,
 कार्तिक ग्मानथकु, गोदावरी स्वान,
 शरद ऋतुस चन्द्रमाया तेजन,
 उइनि थें नेन प्रभु छिगु विरहन रे ॥ ४ ॥
 मंसिर केवल होया चोन द्वाफोलस्वां,
 पौष स बखुमदु, सिन्हास, मघस्वां,

हंमन्त ऋतुस चिकु सहायाये मफु,
 सहयाना चोना प्रभु छिगु आशान रे ॥ ५ ॥
 आघस मीकूस्वाँ फागुण तकुस्वाँ,
 शिशिरया मिमाहल फसं हायेका बिल रे,
 रंग म्हिते मन छिके जुल प्रभु,
 पूरण याना विउ जि मनया आशा रे ॥ ६ ॥

—बाण्डमासे

गोपाल धनी

गोपाल धनी पनेमते थनि
 सिन्हाज्या वने न्हौं ॥ ध्रु० ॥
 बात जि ग्वालिनी लसिकल मसियानि
 छि चित्त बुझे जिन याय मफुनि ॥
 जोनेरे मते धनी विनति याय थनि
 छको जक तोलताव छवो न्हौं ॥ १ ॥
 स्वान जा मखू तिनि स्यनके मते थनि
 लिपतस होयु आशा दवनि ॥
 लख मदु पुखुलिस पलेस्वान मुखू तिनि
 कचिकन थोय धका ग्याना न्हौं ॥ २ ॥
 यौवन कचिनि अमर हाला जुल
 उमेर जिके गाक मडुनि ॥
 यौवन जा दयुं तिनि सेनके मते धनी

लिपतसं छि व रस पाय न्हों ॥ ३ ॥
 ह्याउँक पतासि हाकु गहया लन
 सपलसं छुना तल धाले पतिस्वों ॥
 मिखावान पलेहल न्हाति कासं हेगु सिन्हः
 म्हुतुसिस ग्वालतिन जिकनि ॥ ४ ॥
 बागमती विष्णुमती भैरव भगवती
 पशुपति गणेश कुमार न्हों ॥
 नेपालया छत्रपति श्री रण बहादुर
 प्रजायात प्रतिपाल थाक न्हों ॥ ५ ॥

—रागसिन्हाष्या

सुन्दर विभुति बुसा

सुन्दर विभुति बुसा गौरी खन्खे तसा,
 सदान वसया गय थुसा ॥
 नन्दी मिन्दी निम्ह पासा त्रिसल डमरु ज्वसा
 सिरस मुटुक लुया पुसा ॥ १ ॥
 यस गजि धतुर नसा जतान सपोल हिसा
 छालया जमित जस तिसा ॥
 धुँया छेगुलि लासा बालक चन्द्रया छुसा
 थास थास भिड बिया तिसा ॥ २ ॥
 बोसत भिगुलि दिशा जगतया बढ पुसा
 तरहन मेव महु धासा ॥

भगत जनया आशा फुतकु अनेक दशा,
 त्रिपुर असुर जुल स्यासा ॥ ३ ॥
 भाव भगतिन यासा संसारया नाम कासा
 मोलमाल गलस को खासा ॥
 ल्हाकम्हया मन तसा व विनान मदु तसा
 पुरे याव जि मनया आशा ॥ ४ ॥

—राग श्री तालचल्ती

प्राचीन अल्सी

प्राचीन अल्सी आयात मजील भीसन धन मूने माल ॥ धु० ॥
 सक सीन हल नुतन चाल भीजक लिपा च्वने मेल ।
 नवीन माल थन हया बील धन भीगु विदेशनं काल ॥ १ ॥
 ज्या याये मोल सुख धका धाल कङ्गालनं भित चिनाहल ।
 मयानक भूल खनेदया बल आयात होस याये माल ॥ २ ॥
 उन्नति शील विदेशया जाल चः फुना वां छोये माल ।
 अलसि चाल निश्चय मजिल ज्यायाना भिसं हयेमाल ॥ ३ ॥
 आयागु कालं सकसितं धाल विदध्या बोना सुखसिय माल ।
 ज्ञान विज्ञान छुं भी मसल सकसीनं हेला याना हल ॥ ४ ॥
 धन्ना जूल मन जिगु खोल धीरज गथे याये माल ।
 अष्ट वेद गगन विशाल चोया जिनं मन यागु हाल ॥ ५ ॥

—ज्ञानमाला

छि भाइ परदेश

छि भाइ परदेश गोलत जि पियु रे प्राण ।
 मिसा जाति, याक तनं गोलत जिचवने रतन ॥ १ ॥
 छिगु ख्वाल मखनीव मेवयाके मन वनी ।
 मेवयाके मन वनेव पापस जि दुनी रे स्वामी ॥ २ ॥
 छिगुख्वाल मखेतले नया थें मच्चं रे प्राण ।
 मिखायागु भलक खनेव मन जि मच्चन रे प्राण ॥ ३ ॥
 चानं न्हिनं नाम कासे भजलपा जुया रे जिनं ।
 मिसा जाति खयकाव धर्म लभइ मखु रे स्वामी ॥ ४ ॥
 धन स्वया वया मखु रूप स्वया वया मखु ।
 भिगयागु माया पिरति स्वामी धकारे प्राण ॥ ५ ॥
 मन वने मन चवने वने यास मदु स्वामी ।
 सुया ख्वाल स्वया जिनं चित्त तया चवने प्राण ॥ ६ ॥
 चानं न्हिनं छिगु धन्दा शरीर जि गना वन ।
 बियमते शुगुलि दुःख करजोर विनति स्वामी ॥ ७ ॥
 तन मन धन दको छित जिनं बिय धुन ।
 मेव मदु छि समान विनति खं न्यनादिसं ॥ ८ ॥
 मलु मने गथे जिनं छिगु रूप जडमन ।
 मभालपा छिव जिव वाय माली धका रे स्वामी ॥ ९ ॥
 अज्ञानी धव विनति जिगु दया तय माल रे स्वामी ।
 मिसा जाति खनाव करुणा दय माल रे स्वामी ॥ १० ॥

—राग धातु

कोथाजोलं सकतां दत

कोथाजोलं सकतां दत देनिम्ह मदुनि योज्यान् ॥ धु ॥

लुसि धेना अल तथा कल्लि न्हयाना नकल कया
सुसमुस न्हिला जित केनिम्ह मदुनि योज्यान् ॥ १ ॥

फारसिया पारसि सिना रेसमिया दोङ्गा डेया
न्याकुं कया न्यासि वना केनिम्ह मदुनि योज्यान् ॥ २ ॥

चिकं तिला समा याना सें कुलि कुलि कया
हलबिया न्हायूकं स्वया च्वनिम्ह मदुनि योज्यान् ॥ ३ ॥

मस्वया ध्ये स्वया स्वया सुसुहनं न्हिला न्हिला
केलेहन मिखा कना सोइम्ह मदुनि योज्यान् ॥ ४ ॥

मिसरिया थें बोलि वचन तथा पहयाना खंन्हाना
दिल जिगु बुझय याना तईम्ह मदुनि योज्यान्

मन जिगु बुझय याना तईम्ह मदुनि योज्यान् ॥ ५ ॥

—राग पंजाबी काफ़ी

च्यान्हु च्यान्हु

च्यान्हु च्यान्हु सिदा याना भीमसेन देवयाके

अमंगल बरदान मिल न्हों ॥ धु ॥

जि वया ला लल्लि मदुनि छि काय सें भाय धाल

थुगु छवार लिंगनाव दिसं न्हों ॥

जि काय पुता जा लिंगने मसु भलिचा

जि कायया लजगाल मदु न्हों ॥ १ ॥

अयले माजु हाय छि कायया लजगाल मदुसा

जिगु सिवे लव न्हाना बिय न्हॉ ॥
 अयले भलिचा मयजु जि काय लिगने मज्यू
 संदेशया चरिद्रनि स्वय न्हॉ ॥ २ ॥
 अयले माजु हाय छ वारनि लिगना दिस
 भिन जा जुयिजिन मखना न्हॉ ॥
 अयले भलिचा छांय धन्दा छन काय मते
 दच्छि निदं जक चोना वयि न्हॉ ॥ ३ ॥
 आव जिन छुयाय माजु, मेगुछु बिनति याय
 छिन सोया यानाय दिस न्हॉ ॥
 अयले प्रभु स्वामि संझाय धाय मते
 छवारनि लिपिनाव दिस न्हॉ ॥ ४ ॥
 अयले तिरि हाय ता काल चोने मखु
 दच्छि निदं जक चोना वय न्हॉ
 अयले प्रभु स्वामी संछता झाय मते
 भिन जा जुयि जिन मखना न्हॉ ॥ ५ ॥
 अयले तिरि हाय लिगने धाय मते
 सं देशया चलिद्रनि सोय न्हॉ ॥
 अयले प्रभु स्वामी आव जिन छु धाय
 छिन सोया यानाय दिस न्हॉ ॥ ६ ॥
 अयले तिरि हाय हतास चायमते
 दक्क फक्क दयकाव वय न्हॉ ।

जवन सगन फसे खवन खोबि हुसे

जि प्रभु खोसे खोसे भाल न्हों ॥ ७ ॥

अयले प्रभु स्वामी धन्दा छिन कायमते

लेस सोया बुलु हुन भासं न्हों ॥

चोतया भयालन कव सोया बेलस

जि प्रभु लिमसोसे भाल न्हों ॥ ८ ॥

भावगु पिलाखुला दत लिसल मदुनि

जि प्रभु गथय गथय जुल न्हों ॥

स्वतया भयालस मत बिसे सोया जिन

मत जा बुलुसे वन न्हों ॥ ९ ॥

अयले माजु हाय सुथ न्हापां कवसि वना

कवखन लाय बुया वन न्हों ॥

अयले भलिचा मयजु धन्दा छन काय मते

कवखया खँ सहि महु न्हों ॥ १० ॥

अयले माजु हाय लख काल वना बेले

छि काय मन्त बका घाल न्हों ॥

सुनान धाल भलिचा गुहसिन धाल भलिचा

छि कायया हित पासों धाल न्हों ॥ ११ ॥

छुचिन्ह हल भलिचा गुगु चिन्ह हल भलिचा

छि कायया हीरा अंगू हल न्हों ॥

अयले भलिचा मयजु छ हथि जुयमते
आम खँ रवव मखु जुयु न्हों ॥ १२ ॥

अयले माजु हाय मखुगु थव खँ मखु
छि कायया संसर्ग वने न्हों ।

कायन बात भलिचा छन वाय धाय मते
जि पापी मन बना सिय न्हों ॥ १३ ॥

अयले माजु हाय ज्वच सिन्ह जोरे याव
छि कायया शरणस वने न्हों ॥

स्वचू खन छेस च्वना स्वह माचा च्वना थास
थनि जि याकतन जुल न्हों ॥ १४ ॥

जला खला निनिमाजु खोयके मते
सकसिनं धिरज धिया तिव न्हों ॥

आव छु याय भलिचा छ गथे हथि जुल
माजु याकतन तोलते मते न्हों ॥ १५ ॥

पालु बजि दयकाव धलि सहितन
जिमामं व्याहा हह स्वव न्हों ॥

लायकूया प्रधान बल, थव थिति जंमा जुल
सकसिनं वनेमते धाल न्हों ॥ १६ ॥

मिसाया धरम जुल स्वामियाके मत्कि याय
जि स्वामिया शरणस वने न्हों ॥

गनां गने मफयाव सकसिनं विदाविल
अत्यन्त खुसि जुया वन न्हॉ ॥ १७ ॥

छजु वस व्छासे वासे छजु वस जोगी बिसे
छजु वस त्वायभत चिन न्हॉ
हाकु गहया लन फिसे दोरिया गान ने से
मनि छितया पतासिं सिना वन न्हॉ ॥ १८ ॥

अनं निसें यनाव देशस चाउयका
दिपस थनेकल यन न्हॉ
अयले गुवात आवाजु जित छुँ दुःख मजुइकाव
जिगु प्राण याकन छोव न्हॉ ॥ १९ ॥

अयले भलिचा मयजु धन्दा छुन काय मते
याकन प्राण छोया बिय न्हॉ ॥

सिपेंस चोनाव त्वायभत चिनाव-गौरिशिवपुजायाना च्वकन न्हॉ २०

—राग सिन्हाज्या

हे मन राजा

हे मन राजा साहा शरीरया धनि जुया चोन ॥ धु ॥
किम्ह मचा दसे चोन खुँ व समान,
आशा निराशा निम्ह रानी जुया चोन ।
मचा मिसाया खुवाल स्वया अहंकार यायमते,
राज्य नाश जुई ॥ १ ॥

गुंगू लुखा दसे चोन शत्रुया लॅपु जुया,
 सुबुद्धि कुबुद्धि निम्ह मंत्री जुया चोन,
 कुबुद्धिया खँ न्यना अहंकार पायमते ।
 अनित्य शरीर ॥ २ ॥

डाम्ह काजि बल कया थिति नीति याना चोन,
 चन्द्र सूर्य निम्ह साछि जुया चोन ।
 यने मदु मेव ॥ ३ ॥

चा व निह व निम्ह दूत जन्मराजा तोता तल,
 अहंकार राजानाप ब्वाय^० मन याना ।
 लुखा दको वंद याना सहरस ब्दवाहाँ वया ॥ ४ ॥

राज्य नाश याई
 मचा मिसा काजि मंत्री थव थास बिसे वनि,
 थमं यानागु ज्याया फल पावे जुइ,
 बैरीया राज्य जुइ चिना कुना तइ ।
 फेनिव सुनान ! ॥ ५ ॥

ब्हकम्हया भावन थव मन राजा नाप
 भिन मभिन निगु नाप नाप वइ,
 सुबुद्धिया खँ न्यना भिन ज्याखँ याव ।
 यने मदु मेव ॥ ६ ॥

लोकनाथ विवजित

लोकनाथ विव जित ज्ञान वरदान ॥ ध्रु ॥
 अतिन सुन्दर ख्वाल अरूण समान,
 मुरज ध्ये थिकलुया चिथया समान ॥ १ ॥
 होसे चोन पले स्वान हल मिखा बान,
 अमिताभ तथागत सिरस तथाव ॥ २ ॥
 अनेक रतन मानिक तिसान तियाव,
 तँ तँ हयाउँ वाउँ स्वान सिरस तथाव ॥ ३ ॥
 छिपालि निषाया कोस वेदन याडाव,
 स्वरगया अधिपति लाल छि सेवान ॥ ४ ॥
 पुन्यलछिमिया स्वामि राज्य प्रकाश ।
 यात बल विव थव मचा भाल पाव ॥ ५ ॥

—राग केदारा

दो मन याये मते

दो मन याये मते सखी छन ॥ ध्रु० ॥
 मेव यागु करमन थगु कर्म जुई मखु ।
 मिगयागु फल जकोदई । करमन लात थास-
 सुख दुःख हना चोव । लिपा धर्म माग्येमानी जुई
 सुखधका न्हिलेमते दुःख धका खोये मते ।
 सुख दुःख नाप नाप बई । भिमयाके बना धका-
 भिगु भाग्य जुई मखु । पर वास नरक वास लाई ॥



लोटा धया जोना बना धपन जुये मरू । लोटाहाना करम
 सीयेकी । मेवथागु खँ न्यना भिगुमन याये मते । मेवनजा सुख
 विई मखु । उखे थुखे हिला जुया थव भाग्य हिलि मखु ।
 लुखा जक्को हिलि दर्ई बुना माम धका मनु जन्मजको विई ।
 करमजा विई मखु । मेवयागु भाग्यस्वय अभाग्येनी धाये माली
 खनेगु दर्ईला मखु । मिग यागु पापनं थऊँ थुलि दुःख जुल ।
 थाव खुनु चेते याना काव । लज्या शर्मन जुइमाल मनुषेया
 जन्मस । पशुयात लज्या शरम् आये । छगुमन पशु फुइ निगु-
 मन नरं फुई । निगुमन याये मते शत्रूया खँ न्यना पर आशाः
 याये मते । दोगन याये मते । थव थवन भिन यात सा
 दकोसेन हाथ धायु । पापी मन नरकस लाइ । थवमन चिय
 मफुसा लोकनरवं न्हायी । लीपतस पछु ताये जुई । संसारया
 खँ जिन गुलि तनी न्हाये । थव इन्द्रिय चियेगु सोव । लीपा
 दर्ई मखु नरजन्म थाव भिन मती छन । सेव मदु हरीव
 समान ।

—राग बिहाग

॥ इति ॥